

Petak, 19. 8. 2016.

- Oglasi -

imenovanju članova Upravnog odbora Javnog RTV servisa BiH od 6.12.2012. koja je stupila na snagu dana 10.12.2012. objavom u "Službenom glasniku BiH", broj 98/12.

Regulatorna agencija za komunikacije (Agencija), u skladu sa Zakonom o Javnom radio-televizijskom servisu BiH, pokreće proceduru izbora novih članova iz reda bošnjačkog, hrvatskog i srpskog naroda na period od četiri godine.

Članove Upravnog odbora imenuje Parlamentarna skupština BiH na osnovu rang-liste kandidata koju dostavlja Agencija.

Nadležnost Upravnog odbora:

- donosi statut i druge opće akte,
- odlučuje o raspolaganju imovinom u skladu sa zakonom i statutom,
- odlučuje o ulaganjima za razvoj BHRT-a u skladu sa zakonom i statutom,
- usvaja izvještaje o finansijskom poslovanju,
- odobrava godišnji budžet i finansijski plan,
- usvaja programske planove za radio i televiziju,
- imenuje i razrješava generalnog direktora,
- daje saglasnost na imenovanje nosilaca najviših programskih funkcija,
- odlučuje o nazivu i logu radija i televizije,
- prati i kontroluje zakonitost i uspješnost rada BHRT-a,
- predstavlja Parlamentu i u javnosti godišnje finansijske planove i planove programa i izvještaje o realizaciji tih planova,
- obavlja druge poslove u skladu sa zakonom i statutom,
- obezbjeđuje uslove iz dozvole sistema.

Uslovi za izbor prema Zakonu o Javnom radio-televizijskom servisu BiH:

- Upravni odbor BHRT-a ima četiri člana, po jednog iz reda svakog od konstitutivnih naroda i iz reda ostalih.
- Dva od četiri člana moraju imati mjesto stanovanja u Federaciji BiH, a dva u Republici Srpskoj.
- Članovi Upravnog odbora ne mogu biti:
 1. nosioci funkcija u zakonodavnoj, izvršnoj i sudskoj vlasti na bilo kojem nivou,
 2. članovi organa političkih stranaka,
 3. zaposleni u BHRT-u, RTV FBiH, RTRS-u i Javnoj korporaciji,
 4. zaposleni u drugim firmama koje obavljaju djelatnost RTV emitovanja, uključujući i agencije koje prikupljaju RTV taksu, članovi njihovih uprava ili nadzornih odbora ili osobe koje obavljaju poslove zbog kojih bi moglo doći do sukoba interesa.
- Članovi Upravnog odbora mogu biti samo državljani BiH sa prebivalištem u BiH.

Opći uslovi:

- a) da su stariji od 18 godina,
- b) da nisu otpušteni iz državne službe u institucijama BiH, odnosno entiteta, kao rezultat disciplinske mjere u periodu od 3 godine prije dana objavljivanja Konkursa,
- c) da se na njih ne odnosi član IX 1. Ustava BiH ("Nijedno lice koje se nalazi na izdržavanju kazne izrečene presudom Međunarodnog tribunala za bivšu Jugoslaviju, i niti jedna osoba koja je pod optužnicom Tribunala a koja se nije povinovala naredbi da se pojavi pred Tribunalom...").

Posebni standardi za izbor i ocjenjivanje:

- pravno, ekonomsko, tehničko ili drugo relevantno iskustvo i ekspertiza u oblasti emitovanja (potrebno priložiti relevantnu univerzitetsku diplomu);
- dobro razumijevanje načina stvaranja i provođenja politike javnog emitovanja;
- dobro razumijevanje specifičnih BiH okolnosti, a naročito problematike stvaranja i funkcionisanja javnog servisa;
- komunikativne i kreativne sposobnosti za savjesno, odgovorno i odlučno obavljanje upražnjene pozicije;
- poželjno poznavanje jednog od vodećih evropskih jezika, prednost se daje engleskom jeziku.

Uz prijave obavezno dostaviti biografiju, te potpisanu izjavu o nepostojanju bilo kakvih smetnji u vezi sa obavljanjem dužnosti člana UO BHRT-a (opisano pod 1., 2., 3. i 4. Uslova za izbor prema Zakonu o javnom radiotelevizijskom servisu BiH, te pod tačkama b) i c) Općih uslova ovog Konkursa), izjavu o nacionalnom opredjeljenju, uvjerenje o državljanstvu i dokaz o prebivalištu (kopija važeće lične karte).

Konkurs je objavljen u "Dnevnom avazu", "Oslobodjenju", "Glasu Srpske", "Nezavisnim novinama", "Večernjem listu" i "Dnevnom listu" kao i u "Službenom glasniku BiH" i "Službenom glasniku Brčko Distrikta", te na web stranici Agencije www.rak.ba.

Konkurs ostaje otvoren 14 dana od dana objavljivanja u dnevnom/im listu/ovima.

Prijave se dostavljaju na adresu:

- Sjedište Regulatorne agencije za komunikacije, Mehmeda Spahe 1, 71000 Sarajevo.

Prijave moraju biti podnesene u zatvorenim kovertama sa naznakom i "Prijava za člana Upravnog odbora BHRT-a" i mogu biti podnesene lično ili putem preporučene pošte.

Nepotpune i neblagovremene prijave neće biti uzete u razmatranje. Obaviješteni će biti samo kandidati koji uđu u uži izbor. Molimo kandidate da ne vrše upite putem telefona.

(SI-1009/16)

"ASOCIJACIJA KOMPOZITORA - MUZIČKIH STVARALACA" (AMUS)

U skladu sa članom 25. stav 1 Zakona o kolektivnom ostvarivanju autorskog i srodnih prava ("Službeni glasnik BiH", br. 63/10), "Asocijacija kompozitora - muzičkih stvaralaca" sa sjedištem u Sarajevu, Obala Kulina bana 22/II, 71000 Sarajevo, ID broj 4200960120004, PDV broj 200960120004, upućuje

POZIV

NA PREGOVORE ZA ZAKLJUČENJE KOLEKTIVNOG UGOVORA SA REPREZENTATIVNIM UDRUŽENJIMA

kojim poziva da se u roku od 30 dana od dana objave ovog poziva u "Službenom glasniku BiH", radi početka pregovora za zaključenje kolektivnog ugovora, jave reprezentativna udruženja korisnika autorskih muzičkih djela u BiH, kako slijedi:

- organizatora muzičkih priredbi, koncerata i drugih muzičkih manifestacija;
- elektronskih medija za saopštavanje javnosti putem satelita;
- korisnika koji autorska muzička djela saopćavaju javnosti putem interneta i mobilnih servisa (interaktivno činjene djela dostupnim javnosti: video-on-demand, music-on-demand i slično);
- prijevoznih sredstava;
- kinematografa;
- sportsko-rekreativnih centara (bazena, kupališta, klizališta i sl.);
- sala za rekreaciju (fitness klub, aerobik sala, yoga, pilates i sl.);
- plesnih škola;
- salona za igre na sreću (ukoliko ne pružaju ugostiteljske usluge).

Vaše prijave za učešće u pregovorima možete dostaviti na adresu: Obala Kulina bana 22/II, 71000 Sarajevo, putem e-maila: strucnasluzba@amus.ba ili na broj telefona: 033/205-600.

(SI-1030/16-G)

UDRUŽENJA - FONDACIJE

Ministarstvo pravde Bosne i Hercegovine, rješavajući Zahtjev ureda strane nevladine organizacije Civil Rights Defenders, sa sjedištem u Sarajevu, ulica Radićeva broj 17/5, za upis promjena u Registru stranih i međunarodnih neprofitnih organizacija, na osnovu člana 43. stav 2. Zakona o udruženjima i fondacijama Bosne i Hercegovine ("Službeni glasnik BiH", br.